

**Kalaallit Nunatta pigisaannik aningaaserivimmik pilersitsinerup iluaqutissartai aammalu aporfissarisinnaasaasa misissorneqarnissaanik, ilanngullugu pilersitsinerup suut piumasaqaatitariumaagai, soorlu aningaasartuutissat aammalu sulisussat pillugit Naalakkersuisut peqquneqassasut inatsisartut aalajangiiffigisassaattut siunnersuut.**  
(Inatsisartunut ilaasortaq Anthon Frederiksen, Partii Naleraq)

### **Akissuteqaat**

(Inuusutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

### **Siullermeerneqarnera**

Naalakkersuisut sinnerlugit siunnersuummut pissanganartumut Inatsisartunut ilaasortaq Anthon Frederiksenimit siunnersuutigineqartumit qujassuteqassaanga. Naalakkersuisut siunnersuuteqartoq assigalugu soqutigisaraat Kalaallit Nunaata aningaasaqarnera Kalaallit Nunaannut inuinullu pitsaanerpaamik aqunneqassasoq.

Tamatumunnga atatillugu erseqqissaatigissavara UKA2007-imi aalajangiiffigisassatut siunnersuutigineqarsimasup malitsigisaanik Kalaallit Nunaanni aningaasaateqarfiit pillugit nalunaarusiortoqarnikummat. Taannalu Inatsisartunut UKA2008/150-itut aamma UPA2009/39-tut tunniunneqarluni.

Nalunaarusiap suliarineqarnerata kingorna, aningaasaqarnikkut ajornoartorsiortoqarnerata 2007-09 malitsigisaanik nakkutilliinernut kiisalu aningaasaateqarfiit uninngasuutaannut tunngatillugu annertuunik sukaterisunik malittarisassiortoqarnikummat. Tamanna pillugu Inatsisartut Kalaallit Nunaanni aningaasaateqarfiit uninngasuutaannut tunngatillugu aammattaaq nakkutilliinernut piumasaqaatinut tunngatillugu inatsit akuersissutiginikuuat UPA2015-mi imm. 107-itut suliarineqartoq.

Taassuma saniasigut GrønlandsBANKEN Kalaallit Nunaanni Namminersorlutik Oqartussat annertuumik piginneqataaffigisaat aamma aaqqissuussinikkut pingaarutilittut suliffeqarfittut (SIFI) toqqarneqarnikuvoq.

2008-mi nalunaarusiaq Inatsisartuni isumaqatigiinninniassutigineqarnikuunngilaq, taamaamat Naalakkersuisut innersuusutigaat siunnersuut Inatsisartuni ataatsimiititaliamut

attuumassutilimmut ingerlateqqinneqassasoq nalunaarusiap imarisaanit suut ersarinnerusumik nalunaarusiarineqarnissaat kissaatigineqarnersut nalilersorsinnaammassuk.

Naalackersuisut pisareersimapput nalunaarusiamik paasissutissanik sammisamut tunngasunik tamanik imaqartumik suliaqassallutik, tamannalu tunngavigalugu siunnersuut akuersissutigineqarnissaa innersuussutigalugu.

Nalunaarusiaq UPA2018-mi agguanneqarsinnaanera naatsorsuutigineqarsinnaavoq.

Taamatut naatsumik oqaaseqarfigalugu siunnersuut akuersissutigineqassasoq inassutigineqarpoq.